

Manera custumber
**PREPARACION TUMANDO
LUGA PA CAMPAÑA DI
VACUNACION ESCOLAR
2025-2026**



WWW.SOLODIPUEBLO.COM




SOLODIPUEBLO@GMAIL.COM

FISCAL A EXIGI 1 AÑA DI PRISON PA MERICANO SOSPECHA DI TABATA IMPORTA Y BENDE MARIHUANA

**DANKI ROBERTO Y
BON BINI ELIZABETH:
CMB TA ANUNCIA
CAMBIONAN
IMPORTANTE DEN
SU GERENCIA**

**AUMENTO DI SALARIO
PA MAESTRO NO TA
COSTA 38 MIYON
MANERA GERLIEN
CROES A BISA**



**KOKI
MALTRATA
CU BATE DI
BASEBALL A
CORE SALI
BUSCA AYUDO**



Awo cu 2 florin mas, bo por gana e **MEGA PLUS**
* Afl. **1.000.000,-**
* Afl. 675.000,- + Afl. 325.000,-
extra
Benta ta sera 7:30 pm y sorteo ta hunga 7:45 pm



HUNGA AWO



Manera custumber

PREPARACION TUMANDO LUGA PA CAMPAÑA DI VACUNACION ESCOLAR 2025-2026

ORANJESTAD, Aruba –25 augustus 2025. Pa medio di e relato informativo aki seccion Cuido Salud Hubenil (JGZ) ta desea di informa mayornan y voogd cu tin yiu bishitando scolnan preparatorio y basico, cu den luna di september campaña di vacunacion escolar ta inicia.

Taimportantepamayornan ta pendiente pa ricibi cartanan informativo y di permiso pa vacunacion pa medio di scol. Durante di e campaña di vacunacion escolar, seccion JGZ ta ofrece e vacunanan regular cu ta contra malesanan di

mucha manera Difteria, Tetanus, Polio, Sarampi, Sarampi Aleman y Cacheton. Pa e mucha muhenan den klas 6 ta ofrece e vacuna di HPV cu ta yuda preveni cancer na boca di matris. Pa seccion JGZ ta importante pa infatisa tambe cu e campaña ta regarda solamente vacunanan regular, cu tambe ta wordo duna na baby y mucha na consultorionan di Wit Gele Kruis (WGK) y cu NO ta trata aki di e vacuna contra COVID-19.

Pa mas di 70 aña seccion Cuido Salud Hubenil (JGZ) di Departamento


di Salud Publico (DVG) ta encarga cu vacunacion di nos muchanan na Aruba. Seccion JGZ ta traha huntu cu WGK y tambe ta puntra e cooperacion di scolnan kleuter y basis pa asina logra un grado di vacunacion halto na Aruba.

Seccion JGZ ta mantene un registro di tur vacuna cu cada mucha ricibi y ta averigua na inicio di cada aña escolar cua vacuna muchanan den segundo kleuter klas , klas 5 y klas 6 falta.

Tur mayor di mucha(nan) di e klasnan menciona cu falta vacuna segun nan

edad ta ricibi un carta informando nan di e campaña di vacunacion escolar y alabes pidi autorisacion di mayor pa enfermeronan di seccion JGZ por duna nan yiu(nan) e vacuna(nan) cu nan falta. Pa mas informacion

like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw



POLIS Y AMBULANS A BAY KATUNASTRAAT PA UN HOMBER DI ALREDEDOR DI 70 AÑA CU UN CUCHIU STAKA NA SU GARGANTA



STATEN VAN ARUBA

OPENBARE VERGADERING OP 29 AUGUSTUS 2025 OM 10:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Toelichting door de Min-AZ, Min KOJIS en MinFEPS inzake Rijkswet Financieel Toezicht Aruba zoals verzocht door Fracties PPA en MEP.

De Griffier,

Diasabra mainta a drenta informe di cu tin un homber cu un cuchiu basta grandi staka na su nek banda drechi, mesora a dirigi tanto polis y ambulans na e sitio.

Na yegada di e patruya a bin compronde cu e homber di 70 aña mes a staka su mes cu un cuchiu grandi.

Na yegada di e ambulans nan a atende y transporte mesora pa hospital.



AUMENTO DI SALARIO PA MAESTRO NO TA COSTA 38 MIYON MANERA GERLIEN CROES A BISA

Durante un debate recien den Parlamento di Aruba, minister Gerlien Croes a bisa cu e costo di aumento di salario pa maestronan ta 38 miyon florin. Sinembargo, segun loke a sali den e conseho di comision den cual sindicato SIMAR a tuma parti, e cifra di 38 miyon no ta cla ni ta wordo refleha den situacion real.

E documentonan di e comision ta muestra cu

tin varios opcion pa implementa e aumento, y no necesariamente ta trata di un suma fiho di 38 miyon florin. E declaracion di Croes, cu e aumento ta “demasiado caro”, ta percibi como un argumento no basa riba tur e informacion disponibel. Segun un representante sindical a bisa SOLO DI PUEBLO, lo ta posibel pa implementa un parti di e aumento den corto plazo y despues haci un evaluacion

mas profundo pa ahusta e gasto segun e situacion di pais. Sinembargo, e decision actual di para e proceso a resulta cu maestronan a keda sin nan aumento mereci.

E discusion ta continua creando tencion den sector di educacion, cu ta pidi mas claridad y transparencia for di gobierno y Parlamento riba e tema crucial pa futuro di enseñanza na Aruba.



Parlamentario Xiomara Maduro:

MIKE EMAN KIER CREA POBRESA DEN CLASE MEDIA PA E POR KEDA NA PODER E ta contra e rebaho di loonbelasting duna na comienso di aña 2025

Durante e reunion publico pa trata e Prome Cambio di Presupuesto 2025, tur hende por a scucha Eman desapropa e cambio cu a wordo haci na comienso di aña 2025 pa duna miles di hende un alivio den forma di un rebaho di loonbelasting. Segun Eman, e cambio aki a costa 50 miyon florin y lo tabata miho pa a uza e placa aki pa otro cos.

E realidad ta cu e rebaho di loonbelasting a costa 26 miyon florin y ela brinda un alivio na miles di pensionado. Banda di esaki e cambio ta haci posibel pa

16 mil persona no mester paga loonbelasting mas, y pa 12 mil persona paga menos na loonbelasting. Ta trata di un alivio grandi cu e clase media incluso pensionado na Aruba ta haya.

Ta lamentabel pa constata un biaha mas, cu Minister Eman no ta contento cu e alivio aki cu MEP a duna na e clase media di Aruba. Eman no ta tene na cuenta cu ta e clase media ta e grupo cu ta sostene nos economia. Nan ta paga belasting, nan ta traha, ta inverti den traha cas, den lanta negoshi chikito, etc y



ta mantene nos comunidad para riba su pia. Mike Eman ta lubida cu ta e

clase media ta paga p'e por bay chapi den bario, haci bishita pa brasa y sunchi, y

parti placa y toeslag.

Locual Eman ta prefera ta, pa e clase media incluso pensionado cu dos pensioen, keda paga belasting haltu y bay den pobresa. Eman su meta den politica ta pa crea pobresa den e clase media aki, pa asina nan por keda depende di e toeslag cu Eman por brinda nan a cambio di nan voto, pa asina e por keda na poder. Un vision politico cu ta perhudica Aruba su comunidad grandemente y pesey mester wordo cuestiona y desapropa.



Noticia di Corte

FISCAL A EXIGI 1 AÑA DI PRISON PA MERICANO SOSPECHA DI TABATA IMPORTA Y BENDE MARIHUANA

ORANJESTAD – Corte di Husticia a trata e caso penal cu Ministerio Publico a cuminsa contra e homber Mericano biba na Aruba, M.L.S. (68). E ta wordo sospecha cu entre December 2022 y 28 Januari 2025, di tabata importa y bende marihuana.

SOLO DI PUEBLO por a compronde cu Fiscal a existi 12 luna di prison kitando tur e tempo cu M.L.S. ta cera den KIA.

BENDEMENTO DI MARIHUANA
Hues a haci M.L.S. preguntanan, relaciona cu e rapport di Polis. Ta asina cu M.L.S. a bisa Hues cu e no ta bisa nada y ta laga tur cos den man di su abogado mr. Carlo.

Hues a mostra cu segun e “rapport” di Polis, e investigacion a cuminsa door di informacion cu lo tin hende ta importa droga for di Merca. A resulta cu e persona ta M.L.S. Investigacion a mostra cu diferente biaha M.L.S. su nomber a wordo menciona den casonan relaciona cu droga. Tin hende cu a wordo deteni, R., cu a bisa cu el a bin cu marihuana for di Colombia pa bende cu M.L.S. Na December 2023, Polis a detene na aeropuerto un tal P., kende a bisa cu el a trece droga pa M.L.S. Na October 2023 un tal T. a wordo gara na aeropuerto cu mas cu 1 kilo di marihuana, cu tabata destina pa M.L.S. Tambe Polis a yega di detene M.L.S. dos biaha relaciona cu caso di droga. Polis a bay haci investigacion na cas di M.L.S. na Kudawecha y a haya diferente persona den e cas hunto cu M.L.S. A haya tambe 41,7 gram di marihuana. A haya saconan di plastic vacuum. Tur esaki ta indicacion di bendemento di marihuana.

LEGALISA MARIHUANA Y KIA

LO TA HOPI MAS BASHI

Hues a mostra cu den Corte M.L.S. no kier bisa nada pero na Polis, M.L.S. a declara cu e ta usa 1 pa 2 sigaria di marihuana pa dia. M.L.S. a bisa Hues, cu e ta huma marihuana hunto cu otro nan pero no kier bisa nada mas. Hues a sigui Polis a interroga diferente persona cu ta sospecha cu nan tabata cumpra. E personanan a declara cu nan tabata cumpra for di M.L.S. y cu tin hende ta bende pa M.L.S. Tin hende a bisa cu M.L.S. ta bin cu droga for di Merca. E personanan cu Polis a interroga, a reconoce M.L.S. riba potret.

M.L.S. a bisa Hues cu e tabata usa marihuana y cu Polis a kibra drenta su cas y bay cu tur cos. E tabatin pensa pa biba su periodo di pensioen na Aruba pero awor un amigo ta yud’e pa bende e cas y e bay bek Merca.

Hues a mostra cu Polis a scucha combersacion entre un dama R. y M.L.S. Por a nota cu cada vez M.L.S. tabata bisa Hues cu e no ta bisa nada. Hues a mostra cu Polis a conclui for di e combersacion cu e dama R. y M.L.S. tabata papia di bendemento di droga. Polis ta haya cu M.L.S. tabata instrui R. con mester bende droga y cu R. tabata warda e droga pa M.L.S.

Hues a mostra cu Polis a haya den celular di un persona cu a wordo deteni na aeropuerto un video di droganen hinca den un caha. Esaki ta e droga cu M.L.S. tabata busca for di Merca.

Na dado momento M.L.S. a bisa Hues cu si legalisa marihuana, KIA lo tin hopi menos hende sera. **FISCAL**

Fiscal a bisa Hues cu for di investigacion ta muestra cu

M.L.S. tabata importa y bende marihuana. A haci investigacion na cas di M.L.S. caminda a haya 41,7 gram di marihuana. Tambe tin declaracion di 4 hende cu a cumpra marihuana pa un tempo largo for di M.L.S. Fiscal a mostra cu na December 2024 tabatin combersacion entre R. y M.L.S. caminda nan tabata papia di bendemento di marihuana. Riba video por mira claramente cu tabata saca marihuana for di un caha na cas di M.L.S. Fiscal a mostra cu M.L.S. a wordo condena na 2023 y 2024 pa droga. Den un caso, M.L.S. mester a paga 10 mil dollar di boet. Fiscal ta considera cu M.L.S. tabata avisa. Fiscal a existi 12 luna di prison kitando e 207 dianan, cu M.L.S. ta cera den KIA.

ABOGADO

Mr. Carlo a bisa Hues cu M.L.S. ta desmenti di a importa y posesion di gran cantidad di marihuana. Na opinion di e abogado, e 41,7 gram di marihuana no ta indicacion cu tabata bende den gran escala

manera Fiscal ta bisa. E abogado a pidi Hues pa declara M.L.S. liber di importacion y bendemento di marihuana. E abogado a bisa Hues pa condena M.L.S. solamente pa posesion di marihuana. El a bisa Hues cu M.L.S. ta un usador di marihuana pa kita dolor na su curpa. E abogado a splica Hues cu M.L.S. tabata kere cu e tin cancer y tabata usa marihuana pa calma dolor. Na KIA ora M.L.S. a haya dolor, a resulta cu ta un hernia e tin y no cancer. Entretanto a opera esaki, despues di 7 luna sera den KIA. Su plan tabata pa biba na Aruba. Ora Polis a drenta e cas, e portanan no a keda sera. E cas a wordo geplunder. Airconan y hopi cos den cas a wordo horta. El a bende e cas. E abogado a pidi Hues pa duna castigo combina pa asina tin presion riba M.L.S. cu si e kier bin biba na Aruba, e no por haci mesun cos.

Hues a sera tratamento di e caso y a bisa cu e ta bay studia e caso y 12 September lo tin sentencia.

Clasificados










SOLODIPUEBLO@GMAIL.COM

CEL. 585 9500



Parlamentario Rocco Tjon: CARTANAN DI "VORDERING" NA PERSONANAN CU LIMITACION TA WORDO ELIMINA



Riba 28 di januari 2025 (MR-besluit y kenmerk BE-03/25), Consejo di Minister anterior a tuma un desicion pa "scheld kwijt" e sumanan cu algun persona cu tin un limitacion tabata tin mester di paga, segun carta cu Directie Sociale Zaken tawata manda nan.

E desicion aki a wordo tuma hopi luna pasa, y Minister Wyatt-Ras, despues di a haci hopi pregunta al respecto a informa nos awe cu e lo sigui ehecuta e desicion di januari 2025.

Esaki ta nifica cu personanan cu tin un limitacion, cu tabata wordo poni bou un presion innecesario, por ta trankil cu nan NO tin mester di paga e sumanan menciona den e cartanan cu nan a y ta ricibi.

E paso aki ta importante y no solamente ta cumpli cu un desicion ya tuma na januari, sino tambe ta muestra respet y proteccion pa un grupo di ciudadano cu merece atencion special den nos comunidad.



THE CASINO AT
ST REGIS
ARUBA

Exquisite Bingo

Every Saturday and Sunday at 8:30 AM. Casino doors open at 7:30 AM. Buy-in: \$20. Buy 2 bingo games, get the 3rd on us. Limited capacity available.

Bingo pre-sale: Every Friday and Saturday from 3:00 PM - 8:00 PM.

\$5,000 in total prizes

Game 1 \$150	Game 7 \$1,000
Game 2 \$150	Game 8 (51 calls
Game 3 \$200	& up) \$2,000
Game 4 \$300	Within 50 calls,
Game 5 \$500	Progressive
Game 6 \$700	Jackpot

Attractive Progressive Jackpot

For more information, visit the Casino VIP Desk or call us at +297 281-2374

The Casino at St. Regis Aruba reserves the right to modify or cancel this promotion at any time. Must be over the age of 18 years. The Casino at St. Regis Aruba encourages responsible gaming.

Minister Geoffrey Wever: CAMBIO DI PRESUPUESTO 2025 NA BENEFICIO DI PUEBLO CU AFL. 30 MIYON NA INVERSION DEN PAIS ARUBA



Oranjestad, 25 augustus 2025 – Minister di Finansa Geoffrey Wever ta informa cu dialuna 25 di augustus Gabinete AVP-FUTURO lo sigui cu e tratamento di e prome cambio di Presupuesto 2025 di Pais Aruba. Riba 28 di maart e Presupuesto 2025 a wordo aproba unanimamente pa Parlamento. Despues di dos dia di e prome tanda di preguntanan di Parlamento y e contestacion di Gobierno, awe lo sigui cu di dos tanda di pregunta di Parlamento riba e prome cambio di Presupuesto 2025. E prome cambio ta cumpli cu un saldo financiero di Pais Aruba di minimo 1 por ciento pa e sector colectivo manera e Landsverordening Aruba Financieel Toezicht ta prescribi,

den e caso aki 1,2%, equivalente na Afl. 87.5 miyon.

Riba e mesun dia cu e gobierno nobo a wordo huramente, Gabinete AVP-FUTURO via un nota di cambio a duna bek di biaha na comunidad. Cu aprobacion di e nota di cambio di Gabinete AVP-FUTURO a baha e tarifa di inkomstenbelasting di 10 por ciento pa 0 por ciento, a hisa e suma di Reparatietoeslag pa 21 mil pensionado cu 250 florin extra tur luna desde 1 di mei y a baha e accijnzen riba gasoline y diesel pa tur usuarionan cu 10 cent tambe desde 1 di mei. Tambe a subi e suma pa inversionnan di gobierno cu 30 miyon florin extra. Ta importante menciona, cu e nota

di cambio tawata un simpel reshuffle di e presupuesto pa asina den su prome salida Gabinete AVP-FUTURO duna bek na tur hende.

Durante dos dia di tratamiento Gabinete AVP-FUTURO a elabora riba e cambionan den e presupuesto di Pais Aruba. Pa un finansa publico sostenibel prioridad ta pa baha gasto operacional di gobierno pa crea espacio financiero pa por duna bek na comunidad. Hunto cu departamentonan, gobierno a percura pa esaki bay na un forma responsabel. Pa loke ta entradanan di gobierno, tin entrada adicional di 7.9 miyon florin ricibi di Banco Central di Aruba, 23 miyon florin extra di ATA y tambe gobierno a haya un entrada adicional 10 miyon florin di agio ora cu a emiti 165 miyon florin na bono na principio di e ana aki pa repaga debenan di pasado, mirando e producto financiero solido cu gobierno ta representa, sector priva tabata hopi entusiasmo pa inscribi riba e bononan aki y a produci un agio di 10 miyon florin pa gobierno, cu tambe ta parti di cambio di presupuesto.

Importante pa informa cu e suma extra di 30 miyon cu riba 28 di maart 2025 cu Gabinete AVP-FUTURO a re-aloca lo bai, manera elabora ampliamente pa Minister-President Mike Eman entre otro pa inversionnan den barionan di De Vuyst y Bushiri, un MFA pa San Nicolas, renobacion di Arubahuis, renobacion di Reina Beatrix, revitalisacion di Oranjestad y piernan. Cu esaki Gabinete AVP-FUTURO ta cumpli pa un finansa publico duradero segun normanan di presupuesto ancla den ley y duna e beneficio di e desaroyo economico bek na comunidad.

Awe 25 di augustus lo sigui cu e tratamento di e cambio di presupuesto 2025. Un cambio cu ta cumpli cu lo cual ley ta stipula y tambe ta cumpli cu e compromiso di Gabinete AVP-FUTURO pa duna e beneficio di desaroyo economia bek na comunidad. E surplus proyecta no ta di ningun partido politico, no ta di ningun gobierno pero ta di pueblo, di tur hende cu ta contribui tur dia na e bienestar di Aruba, segun minister di Finansa, Asunto Economico y Sector Primario Geoffrey Wever.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



DANKI ROBERTO Y BON BINI ELIZABETH: CMB TA ANUNCIA CAMBIONAN IMPORTANTE DEN SU GERENCIA

Oranjestad - Caribbean Mercantile Bank ta un banco comercial local estableci na 1962 y ta sirbi nos comunidad tanto pa loke ta negoshi como clientenan personal. E historia di CMB como un partner solido den nos comunidad ta un bon documenta y cu gran visibilidad den su logranan durante e añanan.

CMB recientemente a tuma despedida di Roberto Dijkhoff cu a baha cu pensioen e luna aki. Despues di 40 aña di servicio, Roberto ta culmina su carera den gran forma como Managing Director. Roberto ta un lider cu a contribui enormemente

na guia banco durante momentonan crucial di cambio manera digitalizacion, operacional, regulacion y compliance. Un gradicimento inmenso ta bai na Roberto pa tur loke e la significa pa banco y tur esnan cu e la traha cu ne.

Cu salida di Roberto, nos ta contento di anuncia nombramento di Elizabeth "Lizette" Sint como Managing Director di CMB.

Elizabeth ta yega CMB via Rabobank unda cu e la traha e ultimo 15 aña den varios funcion clave. Entre otro Elizabeth a funciona como CEO di Rabobank na paisnan manera Chile



y Peru, pero tambe como top ehecutivo na Australia y New Zealand. Mester menciona tambe cu prome cu Rabobank Elizabeth a

cuminsa su carera na 1991 na ABN-Amro y a traha den varios funcion den e areanan di Risk, Private Equity y Group Strategy.

E posicion aki na CMB ta haci cu Elizabeth ta bin cas bek ya cu e la nace y crece na Aruba, pero a bai biba na Hulanda na momento di sigui su estudionan. Elizabeth ta menciona di ta entusiasma di por bin traha bek na su isla natal.

Nos ta sumamente contento cu Elizabeth ta uni su mes na nos ekipo y ta dun'e un caluroso bon bini bek na Aruba.

Di parti di CMB nos ta premira cu e adicionnan y cambionan aki na nos ekipo di gerencia lo trece mas y miho servicionan y experiencianan pa nos clientenan y comunidad en general.

KOKI MALTRATA CU BATE DI BASEBALL A CORE SALI BUSCA AYUDO



Sero Janchi - Diadomingo anochi laat polis a bay un adres na Sero Janchi, unda e conocido adicto Koki a yega y tawata pidiendo ayudo.

Ta asina cu mas trempa diadomingo anochi e supermercado na Meiveld WAN JIA LE a post un video riba nan Facebook, unda cu por a mira Koki hortando. E tawata

hortando varios articulo hincando na den tas y den su panja.

Koki tawata companja pa un adicto mas.

Di Meiveld e la yega e adres unda adictonan ta na Sero Janchi.

Eynan algo a bay robes y e lo a wordo maltrata. Di eynan e lo a core bay nort y yega na un adres den boxer pidiendo ayudo.

Polisnan cu a yega eynan a solicita pa un ambulance



cu a presenta pa control'e y despues pa di tantisimo biaha hibe Hospitaal.

Na e conocido adres polis a keda para na Hyundai Accent color blanco, unda

cu e glas patras tawata mitar habri, y lo a pidi pa takelwagen bay cu e auto.

Storia di Koki ta largo y por lo pronto no ta muestra cu tin un final.

COMUNIDAD TA RESPONDE UN BIAHA MAS E ACCION DI BAKI DEN BARIO



Diasabra mainta tempran, comunidad di Dakota, Primavera, Wayaca y bisiñanan di Dakota un biaha mas a respalda grandemente e iniciativa di Baki den Bario y a yega cu auto/pickup yena cu desperdicio pa asina probecha di e oportunidad pa por deshaci di esakinan. Prome Minister mr. Mike Eman a compañía e team cu ta haci e esfuerso aki posibel, a duna un man y gradici e pueblo pa nan sosten y cooperacion pa hunto yega na un isla limpi un biaha mas.

E actividad di Baki den

Bario e biaha aki a tuma luga den Dakota. A uza e tereno habri caminda antes tabata Club Dosva, pa asina por a dirigi e trafico/rij cu a forma durante di e mainta aki.

Den combersacion na diferente actividad, Premier Eman ta haya e feedback di e comunidad, cu ta haci e peticion pa haci e iniciativa aki cu mas frecuencia durante luna. Tin hopi bario cu tin e necesidad grandi aki pa deshaci di acumulacion di desperdicio y ta aprecia inmensamente e esfuerso cu ta haciendo di parti

gobierno pa yuda benta e sushedad aki afo.

Tin mas bario cu pronto kier mira e Baki den Bario cerca di nan cas, y ta pa e motibo aki mes Prome Minister Eman conhuntamente cu diferente stakeholder, ta analisando e posibilidad di por yega na un estructura mas permanente. Idea ta pa crea na cuater of cinco area riba nos isla, den forma estructura, un base permanente caminda lo pone disponibel diferente baki, caminda comunidad por deposita nan sushi, cu despues Serlimar ta recoge

y procesa.

Di otro banda tambe kier enfatisa cu, aunke e ta haci dolor pa scucha comentario cu pueblo ta warda te ora Gobierno ta den bario pa benta sushi afo, e ta mira e interes y compromiso di e pueblo pero e ta un realidad cu e suma cu ta bin cu limpieza rond di cas, no ta na alcance di hopi hende na e momento aki den nos comunidad.

E ta bisto e mainta aki un biaha mas, un fila largisimo cu a drenta te den caya di Dakota,

comunidad a yena auto pa bin deshaci di locual cu mester benta afo, cu ta muestra tambe e disciplina/responsabilidad cu nan tin pa tene nan cura y nan bario limpi, ta djis cu e forsa financiero pa bay un luga comercial no ta locual nan tin na e momentonan aki.

Prome Minister Mike Eman a indica cu tin cu yega na un solucion pa locual ta e situacion di un Dump. Na momento cu a cera esaki a habri caminda pa crea diferente dump tur rond Aruba.

MINISTER GERLIEN CROES ACUSA DI A METE MAN DEN PUNTUACION DI SCOL PA FABORECE MUCHA PA BAY OVER

Un informe cu a circula durante e weekend y cu tambe a wordo menciona na radio, ta bisa cu tin un desgusto den sector di enseñansa referente na manera Minister Gerlien Croes ta maneha sierto asunto.

E disgusto no ta solamente pa e hecho cu e no a regla na tempo pa cu maestronan haya nan contract nobo, pero tambe pa su intervencion directo den scolnan y den e sistema di puntuacion.

Recientemente, den un caso relaciona cu un alumno, a surgi informacion cu mesun minister a mete man den e normbedrag

(es decir, puntuacion minimo pa pasa), pa asina arregla pa e alumno por bai over.

E informe aki a causa hopi iritacion na e scol y serca e maestronan involvi, pasobra segun nan, esey no ta tarea di un minister, y hopi menos si esey ta duna e percepcion cu un alumno ta wordo faborece.

E detayenan concreto di e caso no a sali pa publico ainda, pero no ta descartc cu mas informacion por bin na lus pronto.

E pregunta cu ta keda den aire awor mes ta pa Minister Croes mes:



Ba mete cu norm di punto?

Ba fix pa un alumno por bai over?

Esaki mag?

Esaki ta lo corecto?

Tur mirada ta dirigi awor riba minister, na espera cu claridad y transparencia lo wordo duna riba e situacion delicado aki.

ROMANCE SECRETO DEN SENO DI POLITICA TA SALIENDO NA CLARIDAD

Informacion nobo cu a yega na redaccion di Solo di Pueblo ta pone lus riba un supuesto romance nobo y secreto den mundo di politica na Aruba. Manera ta conoci, den panorama politico nunca ta falta noticia fresco y den e caso aki tambe un toke pikante.

Segun fuentenan, for di basta tempo caba tin un relacion scondi ta draai den seno di politica, pero cu paso di tempo e rumornan a cuminsa sali for di bao baranca y circula mas y mas.

E “capitulonan” cu ta forma parti di e historia ta wordo describi como interesante y

emocionante, mescos cu un telenovela, cu hopi hende ta sigui cu curiosidad y expectativa pa mira unda e por termina.

Pa awor nos lo lage te aki.

TA IMPORTANTE PA TUMA MEDIDANAN DI PRECAUCION DURANTE DIANAN DI CALOR



Durante e ultimo dianan

nos por a tuma nota di un calor extenso, temperatura hopi halto y un solo fuerte. Durante e dianan cu ta sigui comunidad por bay sigui experiencia esaki cu por ta peligroso pa nos salud. Pa combati e fenomeno di naturalesa aki no ta posibel, pero

si nos por tuma accion pa proteha nos mes y otronan y tambe preveni consecucionan pa motibo di e calor extenso. Sintomanan di un heatstroke ta:


- Temperatura corporal halto den corto tempo

- Cara y cuero cora y seco
- No ta soda mas
- Curazon ta bati dura
- Dolor di cabez
- Mente ta bira confuso y por cay flow
- Por cuminsa saca of haña diaree


Kico pa haci den caso di un Heatstroke ?

- Busca asistencia medico mesora yama 911
- Tene e persona trankil y den frescoe pañanan na su curpa.
- Fria e curpa cu un serbete/paña muha (cu awa friu of di cranchi)

MUCHA RIBA BAIS HERIDA DEN UN ACCIDENTE CU AUTO NA MOKO



SOPHIE DI LETRANAN



Diasabra mainta a drenta informe di un accidente cu hende herida na Moko, mesora a dirigi tanto polis como ambulans na e sitio. Na yegada di e patruya

a bin compronde cu e
cicilista ta herida.

Na yegada di e ambulans nan a atende e mucha ciclista y a transporte pa hospital.

Países de Europa

[illegible]

E BON NOTICIA
E DOCTRINANAN DI CRISTO-HESUS
PA NOS POR DRENTA GLORIA
DOCTRINA DI BAUTISMO

Mateo 28: 19-20, Cristo Hesus ta bisa Su Apostelnan: “Bai pues y haci tur pueblo bira Mi discipelnan y bautisanan den nomber di Tata y di Yiu y di Spirito Santo y sinja nan warda tur loke Mi a manda boso. Mira, Mi ta cu bosonan tur dia te na cabamento di mundo”. Huan 3: 5-6; “Hesus a responde: Enberdad, enberdad Mi ta bisa boso, si hende no nace di awa y spirito, e no por drenta den Reino di Dios. Loke a nace di carni, ta carni y loke a nace di Spirito ta Spirito.” Pa medio di Bautismo den Misa, e pika original di Adam y Eva ta wordo kita y e baby ta bira yiu di Dios Tata y tempel di Spirito Santo y su bida eterna a cuminsa.

DOCTRINA DI CONFIRMACION
Echonan 2: 1-4,e Apostelnan di Hesus tabata reuni: “Ora cu dia di Pentecoste a jega, nan tur tabata hunto na e mesun lugar. Diripiente a bini di cielo un ruido manera un biento fuerte a lanta y a yena henter e cas caminda nan tabata sinta. Algo manera candela aparece y a parti Su mes na lenganan y a bai para riba cada un di nan. Nan tur a jena cu Spirito Santo y a cuminsa ta papia den lenganan stranhero, segun Spirito tabata duna nan pa expresa.” Echonan 19: 6; “Despues cu Pablo a pone man riba nan, Spirito Santo a bin riba nan; nan tabata papia den lenganan y tabata profetisa.” Esaki ta sosode ora cu Obispo pone man riba e hobennan, pa nan ricibi Donnan Spiritual.

DOCTRINA DI RECONCILIACION
Huan 20: 23; Hesus a bisa na Su Apostelnan: “Na esnan kende su pikanan boso ta pordona, nan ta keda pordona y na esnan kende su pikanan boso no ta pordona,

nan no ta keda pordona.” Akinan Hesus ta duna Su prome Obisponan, e autoridad pa pordona pika.
DOCTRINA DI E SANTA EUCHARISTIA
Lucas 22: 19-20; “Despues Hesus a cohe e pan, a gradici Dios, a kibr'e, a duna nan y a bisa: Esaki ta Mi Curpa cu ta entrega pa boso. Haci'e pa boso corda riba Mi. Di e mesun forma, E'l a cohe e copa despues di cena y a bisa: Esaki ta e Copa di Aliansa Nobo confirma cu Mi Sange, cu lo ta derama pa boso.” Huan 6: 53-54; “Hesus a responde nan: Mi ta sigura boso, si boso no come Carni di Yiu di hende y no bebe Su Sanger, boso lo no tin bida den boso. Esun cu come Mi Carni y bebe Mi Sanger tin bida eterna y Ami lo lante for di morto riba e ultimo dia.” Den e Santa Eucaristia den Misa, nos ta sigi recorda Cristo Hesus Su Sacrificio y Morto na Crus y den e Santo Comunión, nos ta sigi ricibi e Curpa y e Sanger di Cristo Hesus pa bida eterna.

DOCTRINA DI MATRIMONIO
Mateo 19: 4-6; “Hesus a duna pa contesta: Boso no a lesa, cu na principio Dios Creador a traha hende homber y muher y a bisa: Pa esey e homber lo laga su tata y mama pa e mara su mes na su muher y e dosnan aki lo bira un curpa. Asina pues ya mas nan no ta dos, siendo cu nan a bira un solo curpa. Pa esey loke Dios a uni, hende no ta permiti di separa di otro.” E union matrimonial aki, ta sosode den Misa pa medio di un sacerdote y Dios no ta reconoce divorcio. E union di curpa, ta pa e pareha haci relacion sexual pa forma famia.

DOCTRINA DI ORDEN SACERDOTAL
Marco 3: 13-15 ;”Hesus a subi riba sero y a jama

esnan cu E tabata kier y nan a bin cerca d'E. Asina E'l a forma un grupo di 12 cu E'l a jama Apostel. E'l a scohe nan, pa nan companj'E y a mandanan predika, cu poder pa saca demonio.” Mateo 16: 18-19 ; “Ami awor ta bisa bo: Bo ta Pedro y riba es baranka di piedra aki, lo Mi traha Mi Iglesia y e forsanan di fierno lo no podera di dje. Lo Mi duna bo yabinan di Reino di Cielo y tur loke bo mara na tera, lo ta mara den cielo y loke bo los na tera, lo ta los den cielo tambe.” Echonan 20: 28; “Cuida bosonan tur y tur e rebanjonan di carne cu Spirito Santo a pone na boso encargo, manera Obisponan pa cuida e Iglesia di Senjor. E Iglesia cu E'l a gana cu Su mesun Sanger.” E Apostelnan ta e prome Obisponan y San Pedro ta e prome Vicario di Cristo Hesus, cu ta e prome Papa di Iglesia.

DOCTRINA DI UNCION DI ENFERMONAN.
Hacobo 5: 14-15 ; Esnan cu ta enfermo, lag'e jama e ancianonan di Iglesia, pa nan resa p'e y hunt'e cu azeta den Nomber di Senjor. Y e oracion haci cu fe, lo salba e enfermo, Senjor lo lant'e y si e'l a haci pikanan, Senjor lo pordon'e.” E Ancianonan di Iglesia ta e Sacerdotenan.

Seferino Tromp
MENSAHERO DI DIOS.



SUDOKU

		5		4				
			8					6
			1				3	7
			6			7		
		7			1			4
		8		3			9	
	3			8			4	
	8	2	9					
	7	4				9	5	

				6				
2		6		7			8	
9						2		5
				4				
3	6	5				4		
7		8	3			5		
					7			2
	9			8				
			6	5			3	4

	8							
	9		8	3		6	7	4
6								8
9	1	2		4			8	
		8					4	1
				9				7
5		3			7			
			4				2	9

filmmaking workshop:

BASIC CAMERA OPERATIONS &

DESAROYA BO PROPIO PELICULA

September 1 - October 22 dialuna y diaranson Ultimo dia
di inscripcion 29 di Augustus 2025

Dia 1 di September lo cuminsa dos workshop di filmmaking. Pa 8 siman tur Dialuna y Diaranson por siña mas di varios aspecto di produccion audiovisual.

BASIC CAMERA OPERATIONS Merdia di 3 - 6 PM (dialuna y diaranson)

E workshop aki no ta unicamente pa novato; esnan cu ya sa e base pero no tin tempo of tur e hermentnan pa experimenta tambe por probecha di dje.

NO MESTER DI TIN CAMERA OF OTRO EQUIPO. Lo tin camera, computer extra lens, microfoon, y tur cos cu mester disponibel. Si tin propio equipo, naturalmente semper por trece esey tambe. E workshop ta duna e teoria y hopi practica. Tambe lo siña lo esencial

di audio y editing pa na final por hinca un bunita showreel den otro pa demonstra e abilidad cu tin como camera operator. DESAROYA BO PROPIO PELICULA Anochi di 7-10 PM (dialuna y diaranson) Bo tin un idea, pero bo no sa unda pa cuminsa pa e yega na un produccion final? Durante e workshop aki ta desaroya un proyecto for di e idea te un propuesto completo. Lo siña di “tagline”, “Pithing”, “Scriptwriting”, “Production Design” Copyright, con pa hinca un presupuesto den otro y hopi mas. Na final lo tin un plan bon hinca den

otro cu cua por acerca colaborador y financiador potencial pa asina realisa bo proyecto. Ultimo biaha cu e workshop aki a tuma lugar, a resulta den tres proyecto cu ya a produci of ta den (pre-)production, dos cu finanzas regional y un cu finanzas di Netherlands Filmfonds.

E workshopnan ta tuma lugar na Museo Arqueologico Nacional Aruba. Por inscribi na <https://forms.gle/mzLFMCjJyRiXu9hf7> of tuma contact cu Rebecca Roos Productions via e rednan social.

FALL 2025 FILMMAKING WORKSHOPS

BASIC CAMERA OPERATIONS

DEVELOP YOUR OWN FILM PROJECT

September 1 Until October 22

BASIC CAMERA OPERATIONS



8 weeks, twice a week
Monday & Wednesday 3 PM - 6 PM
(14 years and up)



DEVELOP A FILM PROJECT

8 weeks, twice a week
Monday & Wednesday 7 PM - 10 PM
(16 years and up)

Register now at:
<https://forms.gle/mzLFMCjJyRiXu9hf7>



BIBA BO FE

Bida Den Spirito Hubenil

Hoben, bo ta cordialmente invita pa e Retiro Spiritual aki pa asina sigui engrandece bo Fe



Bo tin edad entre
14 aña te cu 30 aña???

5-6-7 di september 2025
na Centro San Martin
(St.Cruz)

Inscripcion:
Tin un costo di Afl 40,-
(e ta inclui cuminda)
Formulario: na Pastorie di cada Parokia

Pa mas Info:
Shavaliene Danje 568-6992
Shajaira Geerman 594-1418

"Mi a scucha bo oracion; ora e dia di liberacion a yega,
Mi a sali pa yuda bo" (2 Cor 6,2)

TORNEO BALLS OUT A CONTINUA

Royal Power Tat Fat ta derota Comando 14 - 4 den Pool A y lo topa Salbabo Diadomingo awor



Durante e weekend tras di lomba e Torneo "Balls Out" organisa pa e ekipo Suicide Squad bou dirigencia di Jourick Blanco y directiva a continua riba veld di Centro di Bario Noord. Tur fin di siman tin wega diabierna, diasabra y diadomingo mientras e finalnan ta programa pa dianan 26 y 27 di september.

Royal Power actual campeon di Copa Noord 2025 kendenan ta participando pa prome biaha den torneo di Balls Out a bolbe den accion diasabra ultimo y e biaha aki nan a topa e ekipo di Comando. Den e promer dos salida di Royal Power Tat Fat den e torneo di Balls Out Royal Power a derota Venezuela y

despues a knock out Sub Campeon di Copa ABC di e aña aki Kudawecha Redskins 14-1. Diasabra ultimo e veterano Poy Flanegin a regresa cas y a lansa su promer partido bek cu Royal Power den 10 aña. Poy hunto cu Cindo Wester ta co-fundadornan di Royal Power. Royal Power Tat Fat ta sali score 4 careda den promer entrada y ta piki 1 careda mas den di dos entrada pa bay ariba 5-0. Pitcher Agripino Koolman di Comando ta preta brasa riba monticulo y ta saca 2 inning blanco pa tene e wega serca. Comando den bom di 4 inning ta rally pa 4 careda pa hasi e score 5-4. Den cabez di 5 inning Royal Power ta sende su motor y ta rally pa 9 careda



cu avalancha di bataso y asina e wega a termina cu score di 14-4. Royal Power Tat Fat 14 careda, 20 hit, 2 error y ta laga 8 coreador na base. Comando 4 careda, 5 hit, 3 error y ta laga 1 coreador den circulacion. Johannes Poy Flanegin ta bay ful e ruta y ta bay cu e victoria riba su nomber mientras Agripino Koolman ta conforma su mes cu e derota. Pa Royal Power a destaca na plato Eldrick Dijkhoff di 4-3 cu un doblete, Jomark Flanegin y Jerieel Rafael ambos di 4-3, Leander Angela 3-2 cu un doblete,

Sendley Danies 3-2, Keith Hooker 4-2 tambe cu un doblete y Gillian Wernet y Kelvin Sylvania di 4-2. Pa Comando a luci na homeplate den causa perdi Zildjian Dirksz, Juan Carlos Maduro, Jean Marc Koolman, Nathan Schwengle y Juan Carlos Geerman tur a bay di 2-1. Weganan di Balls Out ta continua weekend binidero fin di Augustus Diabierna, Diasabra y Diadomingo. Royal Power Tat Fat lo mira accion bek diadomingo awor 31 di Augustus pa 515pm contra e fuerte ekipo di

Salbabo. Esaki lo bira un repiticion di final di Copa Noord 2025. Pasa veld di Centro di Bario Noord weekend binidero y goza di e tremendo ambiente di e Torneo Balls Out!

Clasificados

SOLODIPUEBLO@GMAIL.COM

CEL.585 9500

DESCUBRI ALIMENTONAN IMPRESCINDIBEL CU NO POR FALTA DEN BO DIETA

Nos lo mustrabao algun alimento imprescindible di cual propiedadnan nutricional ta haci nan necesario pa un dieta sano y balansa. Pa suerte, nan ta alimentonan habitualmente facil pa haya y pa inclui den cualkier plato.

Tomati

Un dieta balansa mester contene un poco di tur cos, pero nunca mester falta tomati. E tin antioxidante, cu ta yuda na e rehubenecimiento celular, y vitaminanan A, C y E.

E tomati aprecia antes tabata wordo como un mata decorativo, te cu den siglo XVIII, a cuminsa consumi'e como alimento.

Ademas, tomati ta di puro awa, loke e ta bira ideal pa mantene e peso. E ta posee tambe un substancia fantastico pa e organismo, Licopeno, cu ta preveni e aparicion di cierto cancernan, manera di pulmon y di prostata.

Awacati

E dushi awacati tin un espectro di beneficio cu ta yuda for di un muhe na estado, pa un homber adulto. E ta posee acido folico, necesario pa preveni malformacion den e fetus y su vetnan ta impedi e desaroyo di colesterol.

Knoflok

E alimento imprescindible, aromatico y fresco aki, ta un protector natural di e organismo. Ta miho consumi'e fresco, ya cu ta e forma cu e ta mantene tur su propiedadnan.

Ademas, e ta un excelente regulador di presion arterial y ta yuda e digestion.

Di un otro banda, hopi chef ta recomenda saca su parti interior berde, pasobra e por resulta pisa pa e digestion.

E resto di e djente di knoflok por wordo consumi completo. Ademas, como curiosidad, knoflok por tin cierto efectonan afrodisiaco.

Selder

Selder ta famoso pa stimula e potencia sexual. Ademas, su con-

sumo ta yuda mehora e problemanan chikito di memoria vincula cu edad. Selder tambe ta posee un porcentahe halto di hero, pesey e ta un aliimento imprescindible contra anemia.

Por ultimo, como curiosidad, e juice di selder ta yuda supera e trastornonan di sueño.

Chuculati

Aunke ta acus'e di faborece e ganamento di peso, chuculati tin mas virtud cu defecto. E ta energetico, ya cu consumiendo un cantidad chikito ta gana hopi den energia.



Ademas, solamente 100 gram di chuculati scur, ta posee 375 miligram di fosforus.

Di un otro banda, e polifenolnan cu e chuculati ta posee, ta convirti'e den un protector cardiaco y un agente preventivo di cancer.

Spinazie

Spinazie no solamente ta duna forza, sino cu ta yuda na mantene un bon bista. Ademas di ta un fuente basico di hero, spinazie ta asina bon of miho pa e bista cu un wortel, ya cu e ta concentra un bon cantidad di luteina, un substancia cu ta fortalece e retina.

Appel

Appel ta e fruta pa excelencia. E alimentonan imprescindibel aki



ta reduci e cantidad di proteina y lipido y ta posee un porcentahe halto di vitamina, awa y salo.

Ademas, tambe ta actua contra e daño di celnan cerebral.

Rasenchi

Ta berdad, rasenchi tin bastante concentracion di sucu, pero net esey ta hustamente loke ta convirti'e den un maravioso motor di energia pa mucha, adultonan mayor y deportista.

Ademas, den su espacio reduci, e ta posee un balans casi perfecto di cinco importante mineral: calcium, magnesium, fosforus, hero y potasium.

Alimentonan imprescindibel: Salmao

Salmao, specialmente esun silvestre of salvahe, ta posee cantidad-

nan grandi di Omega-3, un substancia cu ta preveni malestarnan cardiaco. Lo mas recomendabel ta incorpora e pisca aki den e dieta infantil pa su fantastico aporte nutricional.

Yoghurt

Un yoghurt pa dia ta yuda cualquier adulto pa fortalece e calcium den e organismo y na mucha pa preveni infeccion.

Ademas, e ta un producto hopi recomendabel pa dietanan abao den calorìa.

Vol of sin vet, yoghurt ta un producto perfecto pa bo alimentacion.

Brocoli

Brocoli ta un bon fuente di vitamina A (principalmente den forma di beta-karonteen), di vitamina C y di acido folico.

Esaki ta asina te na e punto cu un racion di 200 gram, ta aporta mas di tres biaha mas di e recomendacionnan diario di vitamina C y e mita di e ingesta recomenda di acido folico.

Berries

Nan ta wordo considera un fuente di vitamina C y K, ademas di su rikesa den manganeso. Berries ta alimentonan imprescindibel perfecto pa come nan so of como parti di un receta, por ehempel, cu yoghurt.

Ya sea di color cora, preto, no lage di purbe como acompaño pa smoothies, tert of otro dessert.

MINISTER DOWERS: 4.5 MIYON FLORIN PA RENOBACION DI SCOL DI POLIS



Parlamento di Aruba a continua cu e tratamento di e Presupuesto Supletorio 2025. Durante e reunion publico, Minister Dowers a hiba palabra pa defende su maneho desde cu a tuma encargo di e Ministerio di Husticia.

Segun Minister Dowers, ex-Minister Tjon lo a crea un proyecto pa cual e lo a aloca un suma di 4.5 miyon florin pa renobacion di Scol di Polis. Den combersacion cu DOW, nan a indica cu berdad nan a duna informacion pa por crea e proyecto aki pero na final di dia Tjon no a aloca ni un cen pa e proyecto. Minister Dowers di su banda, si a aloca 1.5 miyon florin pa e renobacion y modernisacion di Scol di Polis Watty Vos. Minister Dowers a pidi ex Minister Rocco Tjon wak su cara den spiel y wak si e refleho ta esun di un narcista of di un egoista.

Minister Dowers, a splica entre otro cu ta trahando riba e uzo di “electronische detentie” y cu por uza esaki pa castigonan di duracion di cierto tempo y cu ta huez lo mester dicidi segun cada caso si esaki ta aplicabel pa e persona cu ta haya condena. E proceso pa e proyecto piloto aki ta den man di

reclasering y segun nan evaluacion, lo mira den cua caso por aplica esaki.

Ademas, hunto cu stakeholders ta trahando riba maneho pa Directie Justitie. Den pasado a inicia caba cu e proyecto aki y lo continua cu esaki den e siguiente periodo como Minister di Husticia. Directie Justitie lo bay haci un diferencia grandi pa maneho, consistencia y continuidad di maneho den futuro.

Cu tin un falta di personal den e sector di husticia ta conoci y segun e mandatario di Husticia, e solucion pa e falta di personal ta pa haci un analisis profundo y realoca fondo y personal, pero mester recluta personal nobo den futuro. Minister Dowers a pidi Departamento di Recurso Humano pa haya tur vacatura cu tin habri den e sector di husticia pa haya un bista cla y si mester, lo wanta cierto vacatura den otro departamento temporalmente pa por enfoca riba e vacaturanan den husticia. Na Brandweer ya ta trahando riba un sistema di shift di 24 ora cu ta crea alivio pa e trahadonan. Local Minister Dowers a hereda ta retonan di



personal den practiamnete tur departamento di husticia.

Lagrima y flornan por seca, su recuerdonan
y tur loke el a haci y significa pa nos,
lo keda graba pa semper den nos mente y curason.
“Cerca Dios mi alma ta na paz, ta di dj’E mi salvacion ta bin” Salmo 62:1

Cu dolor na nos curason, Tipico Arubano ta participa fayecimento
di nos integrante:



Felix Teofilo Croes

Mihor conoci como “Apa, Teo y Mo Teo”
*3 di november 1959
+19 di augustus 2025

Na bida tamborero di nos tipico y ruman di nos integrantenan Mai y Tom.
Nos ta desea su señora Maria, su nietonan y demas famia hopi forza na e momento dificil aki.

Nos “Teo” stima lo ta reposa den misa Inmaculada Concepcion dialuna 25 di augustus di 9’or pa 11’or di mainta despues lo sali pa Santana Catolico na Santa Cruz.

FORTALEZA PA FAMIA

Scirbi pa Pastor Marcel Balootje.

AUTORIDAD DI MAYOR TA ESTABLECI PA DIOS

Den tur instituto cu ta traha cu mucha, of fundacion cu ta traha cu mucha e autoridad di mayor mester ta conoci y respeta, pasobra Dios a establece e autoridad di mayor.

Asina cu autoridad di mayor ta debilita, norma y balor ta baha den famia, cu tur consecuencia conoci.

Dios ta usa autoridad pa trece ordo y husticia den mundo, pasobra Dios ta e autoridad Supremo y mayor riba tur cos. Dios a establece tres tipo di autoridad den un pais. Esun di Gobierno. Esun di Husticia. Esun di mayornan.

Nan tur 3 mester cana den e linja di berdad y respet pa Dios, y no cambia nada cu Dios a establece, pa evita cu libertinahe ta drenta den e poblacion, inmoralidad ta purba domina, asina hende por cuminsa pensa cu nan por haci locual cu nan kier sin ningun clase di respet pa

Dios y su autoridad estableci.

Gobierno tin cu haci tur esfuerso pa cumpli cu su deber na e pueblo, pa asina e pueblo por cumpli cu su parti y pas por reina tur den tur cas. (Esaki no ta politica pero seriedad) .

Husticia mester para firme y fuerte pa controla, y pone orden y respet.

Mayornan tin e labor di lanta yuinan conforme na e palabra di Dios, pa asina nan no tropica ni cu husticia, ni tampoco cu leynan estableci pa gobierno.

Tocante e 3 autoridadnan aki por wordu lesa den Romanonan capitulo 13 completo y 2 Corintionan capitulo 13:1-10. Pasobra asina cu un ta debilita e otronan tin cu reforsa.

E autoridad di Mayor, no por wordo negligisha tampoco manipula,pa e Famia no tambalia.

Tur insituto cu ta traha cu mucha, tur fundacion cu ta traha cu mucha, tur scol, y tur creche,mester pone den nan statutonnan cu autoridad di mayor ta estableci pa Dios, pasina muchanan lanta cu respet pa nan mayornan. E autoridad cu Señor a duna mayornan ta pa Edificacion y no pa destruccion.(2 Corintionan 13:10).


Poverbionan 19:20 ta para scirbi: Disiplina bo yiu mientras cu tin speransa ainda y no desea su morto.

Un mayor mester eherce su autoridad ta riba lo siguiente: (Riba tur cu ta biba bao di su dak)

E mester ta na altura, cu ken su yiu ta sali y na unda e ta bay.

E mester controla su yiu su tas, su camber, y si tin mester hasta su telefon.

Awendia droga ta wordo bendi y entrega nas cas mescos cu Pizza.



E mayor tin tur autoridad pa puntra e mucha kico e tuma cerca hende na auto y exige pa e mucha habri su man pa e wak y si ta droga denuncia inmediatamente.

Ningun mucha no por sali cu spirito, e persona cu e ta sali cune, mester ta conoci.

Mayor su deber ta zorg pa alimentacion,bistimento, gasto di estudio, pero mas cu tur cos edifica e mucha pa un bida decente y agradabel den bista di Dios y di hende. Colosensenan 3:20+21 ta para scirbi: Yuinan sea

obedecido na boso mayornan den tur cos,pasobra esaki ta agradabel na Señor. Tatanan no provoca boso yuinan pa nan no perde animo.(Efesionan 6:1-4). Deber di mayor ta pa encurasha, edifica, y no kibra e muchanan, pasobra nos tey como esnan yama prome pa motiva nos yuinan tur dia, pa haci oracion, pa hala nan riba caminda di Dios.

Ora Dios duna bo autoridad e ta yama bo pa duna cuenta, pasobra Dios kier pa tur mayor ta responsabel pa nan yuinan.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com

Resultado: Sorteo di Merdia - August 25, 2025



Sorteo # 4722

3392

7961

1143



X2



Sorteo # 4722

7823



FP



Sorteo # 2778

9964



Sorteo # 4722

0810

Scorpio



Sorteo # 1596

011



FP



Sorteo #

0 x Jackpot

0 x Match 4+

0 x Match 4

0 x Afl. 12,00

Joker

Letter

Proximo Jackpot

475.000,-



Sorteo #

0 x Jackpot

0 x Match 4

0 x Afl 8,00

Proximo Jackpot

75.000,-



Sorteo #

0 x Jackpot

0 x match 4

0 x Afl. 500,00

0 x Afl 50,00

0 x Afl.15,00

Mega Ball

Proximo Jackpot

675.000,-




Afl. 1.000.000,-



Sorteo #





Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa voluntad.

Amen.